



Inatsisartunut ilaasortaq, Jens Napätök, Partii Naleraq

## **Kalaallit Nunaanni immap naasuinik atorluanaanissaq pillugu § 37 naapertorlugu apeqquteqaammut nr. 094-2020-imut akissut**

Kalaallit Nunaanni immap naasuisa atorluarneqarnerunissaat pillugu Inatsisartut suleriaasianni § 37, imm. 1 naapertorlugu Naalakkersuisunut apeqquteqarputit. Apeqquteqaat uanga suliassaqarfinni akineqartussanngorlugu innersuunneqarpoq. Aalisarnermut, Piniarnermut Nunalerinermullu Naalakkersuisoqarfimmit ilassutissanik piniartoqarpoq.

29-06-2020  
Suliap nr. 2020 - 10977

Postboks 1601  
3900 Nuuk  
Tlf. (+299) 34 50 00  
E-mail: [isiin@nanoq.gl](mailto:isiin@nanoq.gl)  
[www.naalakkersuisut.gl](http://www.naalakkersuisut.gl)

### **1. Immap naasuisa atorluarneqarnerunissaat pillugu siunnersuutigaa sumut killippa?**

Akissut:

Immap naasuinik niuerutiginnittalernissap sulissutiginnissaanik kissaateqartunut, Naalakkersuisut inunnut ingerlatseqatigiiffinnullu tapersiinissamut periarfissanik arlalinnik neqerooruteqarput. Naalakkersuisut inuussutissarsiornerup siuarsarneqarnissaanut ingerlatseqatigiiffiata Greenland Business-ip inuussutissarsiutinik siuarsaanermut aningaasaliissutit isumagisarai, aningaasaliissutiniillu taakkunanga, assersuutigalugu qeqqussanik suliaqarnissamut tapersiisoqarsinnaavoq. Nunaqarfinni isorliunerusunilu tunisassiorfinnut tapiissuteqarnissamut aningaasaliissutit Inuussutissarsiornermut Suliffeqarnermullu Naalakkersuisoqarfiup isumagisarai. Aningaasaliissutinit taakkunanga assersuutigalugu immap naasuinut sammisunut tunisassiorfinnut tapersiivigineqarnissaq qinnuteqaatigineqarsinnaavoq. Nunaqarfinni isorliunerusunilu inuussutissarsiornermi suliniutinut kommunimit tapersernejarusuttunut Inuussutissarsiornermut Suliffeqarnermullu Naalakkersuisoqarfiup aningaasaliissutit isumagisarai. Tassani immap naasuinik ineriartortitsineq tunngavissinniarlugu suliniutinut kommunerisaq tapersiiniarluni aalajangersinnaavoq.

2019-ip ukiaanerani Kalaallit Nunaanni qeqqussanik inuussutissarsiuteqarneq siunnerfigineqarluni Inuussutissarsiornermut Suliffeqarnermullu Naalakkersuisoqarfik suliaqartitsilluni isumasioqatigiissitsivoq. Tamatumunnga inuussutissanik tunisassiornerup siuarsarneqarnissaa, immap naasuinillu atorluanaanissaq nangissutigalugu sammineqarlutik Greenland Business ukiup ingerlanerani suliaqartitsilluni isumasioqatigiissitsivoq. Suliaqartitsilluni isumasioqatigiissitsinernit taakkunanga paasisat inassuteqaatillu piviusunngortinneqarnissaat maannakkut sulissutigineqarpoq. Tamatumunnga nangissutigalugu Royal Greenland Ilisimatusarfillu suleqatigalugit Greenland Science Week 2019-mi ingerlanneqartumi qeqqussat pillugit aaqquissuussinernik arlalinni suliaqarluni Aalisarnermut, Piniarnermut Nunalerinermullu

Naalakkersuisoqarfik Inuussutissarsiornermut Naalakkersuisoqarfik peqataavoq. Maannakkorpiaq Royal Greenland-i, Ilisimatusarfik Nunatta Atuagaateqarfiatalu akornanni suleqatigiilluni qeqqussat pillugit ukiamut aaqqissuussinissap pilersaarusiorneqarnera Inuussutissarsiornermut Naalakkersuisoqarfimmiit aamma Aalisarnermut, Piniarnermut Nunalerinermullu Naalakkersuisoqarfimmiit sulissutigineqarpoq.

Suliniuterpasuit taakkua Naalakkersuisut tungaanniit kinguneqarluarput qeqqussanullu suliniutinik nunatsinni ingerlasoqarpoq. 2018-imiilli qeqqussanut suliniummut oqartussanit Royal Greenland akuersissuteqarfigineqareerpoq. Akuersissuteqarnermi qeqqussanik sulluitsunillu naatitsinissamut 2021 tikillugu atuuttussamik akuersissut ilaatinneqarpoq .

Qeqqussanik inuussutissarsiornermut piumasaqaatinut killissaliussat pitsanngorsarnissaat ingerlaavartumik Naalakkersuisut sulissutigaat, taamaalillutillu qeqqussat pillugit nalunaarummik ilusilersuineq ingerlallugu. Tamatuma saniatigut oqartussat akuersissutaannik pisariaqartunik piniartarnermut atatillugu, one-door atorlugu aaqqiissutissatut taagorneqartumik, qinnuteqaatinut suleriaatsimik iluarsiinissaq sunniuteqarluarnerulersitsinissarlu sulissutigineqarput.


Katersinissaq, tunisassiornissaq pilersitsinissarlu namminersortut nammineerlutik sulissutigisinnaavaat. Taamaattoq Aalisarnermut, Piniarnermut Nunalerinermullu Naalakkersuisoqarfimmut katersinissamut oqartussap akuersissutaannik piniartoqassasoq, Uumasunut Nakorsaqaarfimmit Inuussutissalerinermullu Oqartussaaffimmit tunisassiornissamut inuussutissalerinermullu akuersissuteqarnissamik piniartoqassasoq, kiisalu niuerfik Kalaallit Nunaata avataaniissimappat Inuussutissarsiornermut Naalakkersuisoqarfimmit avammut nioqquteqarnissamut akuersissummik piniartoqassasoq ullumikkut piumasaqaataapput. Tamatuma saniatigut kommunimit akuersissuteqarnerit pisariaqartut pissarsiarinissaat suliniuteqartut isumagisussaavaat. Nutaanik suliniuteqarnerni suliarinneriaatsit taakku pisariillisarniarneqarput.

## **2. Naalakkersuisut nalunaarusiaat qanoq ingerlava?**

Akissut:

Nassuiaammik suliaqartoqartussaannersoq Naalakkersuisut ilisimasaqarfiginngilaat. Taamaattoq suliassaqaarfiup ineriartortinneqarnerata sulissutiginissaa Naalakkersuisunit ingerlanneqassaaq. Tassunga atatillugu apeqqummut 1-imut akissut takuuk.

Inussiarnersumik inuulluaqqusillunga



Jens-Frederik Nielsen